

հարս, այդ զույգն ընկերներով շրջապատված, նվագելով մանկական շփիններ՝ շրջում էր բակե-բակ, ամեն բակում զույգերից մեկը փայտե սրով սպանվում էր և նրան կենդանացնելու համար պահանջում էին նվերներ: Տներից դուրս էին բերում շիր ու շամիչ, միրգ, մեղր, սովորաբար քաղցրեղեն, բայց և ձու, կարագ: Այս խաղը վերջանում էր մանկական քեֆով: Այս խաղի մեջ նվերների օգնությունը արծարծվում էր սպանված ուժի կենդանացումը:

Շատ կարևոր եզրակացությունների կարելի է կլինեն հանգել, քննելով բարեկենդանական օրերին բոլոր գավառներում տեղի ունեցող զանազան խաղերը, ինչպես Զանգեզուրի ոչ միայն կրպարտլախտին է, որտեղ լախտերի դարկերով կարպետի տակից դուրս էին բերվում և գործի էին գրվում նստողները, կամ կրղլէնգին, որտեղ կաղը յուր ձեռքի զարկով ինքը երկու ոտքի է կանգնում, այլ և ջօխտ քամբին՝ ջուխտ, որտեղ նույնպես հալածող զույգի զարկին ենթարկվողը ընդհանուր զարկերի տարափից ազատվում է, երբ իր զույգ ընկերն է վրա հասնում և նրա հետ զույգ կապում³⁷:

Մի մագիկ գործողության հետք էլ կարելի է գտնել նաև արևգի ու շրլնգի բարեկենդանական խաղերի մեջ³⁸, որտեղ մի ձողով փայտիկին խփելով նրան քշում են հեռու կամ մօլլա-հրէհ³⁹, որտեղ իրար վրայից թռչելով, տղաները հաջորդական թռիչքներով նույնպիսի առաջխաղացություններ կարծես պիտի առաջ բերեն նույնը նաև բնության մեջ:

Մեծ պաս: Բարեկենդանական ուրախություններն ու խաղերը վերջանում էին վօրցակի՝ արլորի առաջին կանչին, որից հետո ուտիսվա կերակուրների, ինչպես և Խանի կամ Հարսի խաղերի միջոցին հավաքածի մնացորդ կրճօճ⁴⁰ պիտի սպառվեր երկուշաբթի օրվա ընթացքում, այն էլ բացառապես երիտասարդների և երեխաների կողմից: Իսկ հասակավորները և մանավանդ ծերունիները խնամքով լվանում էին բերանները, որ ուտիսվա կերակուրներից ոչինչ չմնա ատամների մեջ: Կանայք տունը տնիս ըն տնի՝ դուրս էին տալիս և ամանները մոխրով, ջրով քամզում նույն նպատակով: Սովորաբար գնում էին գերեզմանատուն և այդ տարվա ննջեցյալի—նավասարդից հետո մեռածի գերեզմանն օրհնում և բերածը նրա թումբի վրա ուտում. լոբի, փլավ, բիբի՝ բեխի և ձեթով պատրաստած այլ կերակուրներ, որից հետո այցելում էին մե-

³⁷ Մի քանի հոգի բաժանվում են զույգ-զույգ, մի զույգն իրար ձեռքից բռնած վիճակով կանգնում է մեջտեղ, մնացածներն աշխատում են նրանց թակել, իսկ նրանք առանց իրարից կտրվելու դեռ ու դեն են ընկնում թակողներին հարվածելու կամ բռնելու համար: Եթե մեկին բռնեցին, բոլորն էլ հարձակվում են այդ բռնվածի վրա և ծեծում, մինչև որ նրա զույգ կազմող ընկերը հասնում է և նրա հետ զույգ կապում: Այդ նույն զույգն արդեն փոխարինում է առաջին զույգին:

³⁸ Տրնգի (այլ գավառներում՝ շիլի) մի ծայրը կիսատաշ փայտիկ է: Այդ ծայրին ձեռքի ձողով զարնելով, փայտիկը գեանի վրայից թոցնում են և քշում, իսկ շրլնգի, երկու ծայրերը հավասար փայտիկ է, որն օդի մեջ է վեր ձգվում ձեռքով, ոչ գետնի վրայից, և զարնելով հեռու քշվում: Տրնգի խաղում են և աղջիկները:

³⁹ Ընկերներից առաջինը մեջքից կոանալով՝ քրջանալով, կանգնում է, մյուսը նրա վրայով թռչելով մի փոքր առաջ է կանգնում, նույնպես քրջած, երբորդը նախ առաջինի և ապա երկրորդի վրայից թռչելով կանգնում է նույն գծով ավելի առաջ, շորբորդն այս երեքի վրայով թռչելով կանգնում է ավելի առաջ: Երբ բոլորն այսպես մի գիծ կազմած՝ կռացած կանգնում են, ետևի կանգնածը, նա, որ առաջինն էր քրջացել, բոլորի վրայով թռչելով կանգնում է նրանցից առաջ, նույն հաջորդականությամբ հետևյալը, և այսպես այս կռացածների շարանը շարունակ առաջ և առաջ է գնում: Թռիչքներին ժողովուրդը հատկացնում էր բուսական և կենդանական աշխարհը մեծացնելու, բուսցնելու մագիկ ուժ:

⁴⁰ Կրճօճ կոչվում է ոչ միայն տավարի կերի մնացորդը, այլ նաև հացի և կերակուրների: